





**AWIG - AWIG
DESA ADAT GEMPINIS**



**DESA GUNUNG SALAK
KECAMATAN SELEMADEG
KABUPATEN DAERAH TK. II TABANAN**



MURDA WAKYA

Om Awighnamastu nama Sidham.

Malarapan saking panghyaning kalih paswecan Ida Sanghyang Parama Kawi sampun asung kerta nugraha ngawentenang kauripan kalih genah pasa yuban ring desa pekraman rawuhing kulawarga saha pawongannya.

Maka don kaswastining bhuwana kalih, titiang krama desa adat Gempinis ngastuti ngrajegang tata susila, tata krama sane mawit saking sumar kasucian agama Hindu, mapauger Panca sila, lan undang undang Dasar 1945. Sane dados panyejer Negara Republik Indonesia witing wit uger uger adat istiadat sejeroning Negara Republik Indonesia rawuhing desa pekraman nganutin Tri hita Karana, mapegamel antuk daging unteng unteng Tri Rna, Tri Samaya, Catur dresta manut desa kala patra, madasar antuk pasikian manah mapidabdab nemasang tulung tinulung pasilih asih, gumanti sida memanggulang sukerta trepti rahayu sejeroning desa pekraman rawuhing pawongannya soang- soang.

Wit saking sredhaning manah mangda pastika maderbe sepat siku - siku pamatut, wastu sidaning don^{ce} jeroning midabdabin desa Adat tityang Krama Desa Adat Gempinis sinareng sami nyikiang manah ngraremin kalih-nyungkemin Awig- Awig Desa Adat Gempinis sane munggah ring sarga, Palet miwah Pawos. sekadi inucap ring sor puniki.

OM.....SANTY.....SANTY.....SANTY.....OM.

P I D A G I N G

Widang

SARGA I	ARAN LAN NEWILDANGAN DESA.....	1. 1
SARGA II	PETITIS LAN PAMUKUKUH.....	1. 2
SARGA III	SUKERTA TATA PEKRAMAN.....	2. 2
	Palet 1 Indik Krama.....	2. 2
	Palet 2 Pengayah Kalih Paturunan.....	3. 4
	Palet 3 Prajuru / Dulun Desa.....	4. 5
	Palet 4 Swadarmaning Bendesa Adat.....	4. 6
	Palet 5 Indik Kul-kul.....	4. 6
	Palet 6 Indik Paruman.....	5. 7
	Palet 7 Indik Druon Desa.....	6. 9
	Palet 8 Sukerta Pamitegep.....	6. 10
	Kaping 1 Karang, Tegal lan Carik.....	6. 10
	Kaping 2 Indik Pepayonan.....	7. 11
	Kaping 3 Indik Wewangunan.....	7. 12
	Kaping 4 Indik Wewalungan.....	8. 12
	Kaping 5 Penyanggran Banjar.....	8. 13
	Kaping 6 Dusta miwah Baya.....	8. 13
SARGA IV	SUKERTA TATA AGAMA.....	9. 14
	Palet 1 Indik Dewa Yadnya.....	9. 14
	Palet 2 Indik Resi Yadnya.....	10. 16
	Palet 3 Indik Pitra Yadnya.....	11. 18
	Palet 4 Indik Manusa Yadnya.....	13. 21
	Palet 5 Indik Bhuta Yadnya.....	13. 21
SARGA V	SUKERTA TATA PAWONGAN.....	13. 22
	Palet 1 Indik Pawiwahan.....	13. 22
	Palet 2 Indik Sentana.....	13. 23
	Palet 3 Indik Pewarisan.....	14. 23
	Palet 4 Indik Wicara.....	14. 23
	Palet 5 Troptining Pawongan.....	14. 24
SARGA VI	P A M I D A N D A	14. 24
	Palet 1 Indik Pamidanda.....	14. 24
SARGA VII	NGUNAH NGUNUHIN AWIG - AWIG	15. 26
SARGA VIII	P A M U P U T	16. 26

MURDHA CITTA

OM SWASTYASTU , OM AWIGHNAMASTU NAMA SIDHAM, PUTUSING BASEBAN
KRAMA DESA ADAT GEMPINIS GUMAWE AWIG_AWIG DESA PEKRAMAN MAKA
SEPAT SIKU - SIKU PAMENEH, WASTU KASIDAN PRAYOJANAN MAMI KABEH
pematiut
PARASAMA ANGIDEP NUAH AMAGEHAKEN KADI LINGING AWIG AWIG IKI .

1.

SARGA I.

ARAN LAN WEWIDANGAN DESA

Pawos 1 ✓

1. Desa Adat puniki mewasta : Desa Adat Gempinis.
2. Jebar kakuwub wewidangannya mewates nyatur :
 - a. Sisi Lor : Desa Adat Sarinbuana.
 - b. Sisi Kulon : Desa Adat Wanagiri.
 - c. Sisi Kidul : Desa Adat Ketima lan Desa Adat Kemetug.
 - d. Sisi Wetan : Tukad yeh ngigih.
3. Desa puniki kawangun antuk pupulan karang paumahan ayahan Desa turmaning -
kepah dados tigang tempekan luire :
 - a. Tempek Gempinis Dajan Selat. *kecapah*
 - b. Tempek Gempinis Delod Selat.
 - c. Tempek Gempinis Kawan.

SARGA II

PETIPIS LAN PAMIKUKUH

Pawos 2 ✓

Desa Adat Gempinis ngemanggehang pamikukuh minekadi :

- a. Panca sila.
- b. Undang-undang Dasar 1945 pamekas pasal 18.
- c. Tri Hita Karana manut sada cara agama Hindhu.
lana

Pawos 3

Luir pamikukuh Desa Adat Gempinis :

Mikukuh miwah ngerajegang Sanghyang Agama.

Nginggilang tata prawertin meagama.

Ngerajegang kasukertan Desa Saha pawongannya , sekala lawan niskala.

Pawos 4

- a. Dasar lan tatujon ring ajeng, sida malih kajalarin antuk dasar usaha:
Dharma , Artha , kama lan Moksa.
- b. Ngalimbakang Dharma bakti, Warga Desa , marep ring guru wisesa.

2.

SARGA III
SUKERTA TATA PEKRAMAN

Falet 1
Indik Krama
Pawos 5

1. Sane kebawos Krama Desa inggih punika :
kulawarga sane megama Hindhu saha ngamong karang paumahan , tur nyungkemin
Kahayangan Tiga Desa Adat Gempinis.
2. Sejaba punika sinanggeh tamu.

Pawos 6

1. Sehanan Krama Desa Adat Gempinis sane sampun merabian patut tedun ngayah -
utawi mekrama.
2. Manut kerendahannya patut tedun ngayah , luire :
 - a. Ayahan marep (saungkul).
 - b. Ayahan balu (balu luh lan balu muani).
3. I Krama Desa sane sampun merabi , Manggeh penyeledi negen ayahan reraman -
ipun.
4. I Krama Desa sane maderbe putera lintangan ring adiri , yan sampun merabi
patut tedun ngayah manut prarem.
5. Sulur ngeranjing makrama, kasulurang antuk prarem.

*F gening balu luh keni
Ayahan balu luh 2 gening
balu muani keni
ayah, muani.*

Pawos 7

Kawit dados Krama Desa :

- a. Sangkaning ngamong karang utawi mawiwit saking desa siwosan .
- b. Mawiwit saking pawiwahan.

Pawos 8

Panumayan tedun makrama Desa :

Sesampun ipun masadok ring Prajuru , lan upacara pekala-kalan tur panuma -
yarnya kasulurang manut prarem.

Pawos 9

Sinalih tunggil warga Krama Desa wusan Makrama , prade kulawarga inucap luire:

- a. Matialar saking Desa Adat Gempinis.
- b. Seda / padem.
- c. Kenorayang.
- d. Kausang antuk krama.
- e. Indik wus makrama Desa Adat , kasulurang manut prarem.

3.

Pawos 10

Warga Desa Adat Gempinis sane wusan makrama , nenten polih pah-pahan druwen -
Desa.

Pawos 11

1. Warga Desa Adat Gempinis sane wusan / kawusang makrama , kengin ngeranjing malih , kasulurang manut prarem.
2. Pengayah punika dados ngewakilang , kowakilin antuk sane sampun mayusa sekirangnya 16 tahun.
3. Pengayah punika dados ngampel (sane magenah ring dura Desa Adat), agung - alitnya pengampel punika manut prarem.
4. I Krama Desa dados kawusang ngayah , risampun mayusa 60 tahun lintang, miwah yan sampun wenten penyeledi.

Palet 2

Pengayah kalih paturunah.

Pawos 12

1. Pengayah sane ngarep , keni ayahan muang paturunan sewungkul .
2. Balu muani maderbe pianak muani kewanten, keni ayahan muani.
3. Balu luh maderbe pianak luh kewanten, keni ayahan luh.
4. Balu reban luh wiadin muani yening maderbe pianak sampun daha wiadin terana 16 tahun keni ayahan saungkul.
5. a. Yening wenten I Krama Desa ubuh sampun daha teruna keni ayahan saungkul.
b. Yening wenten I Krama Desa nunggal dihi , daha / teruna 16 tahun keni - ayahan atengah untkul.
6. I Krama Desa kedadosang mapuangkid , perade/ rikala ngawentenang wewangun - ang , ngerabin , mayadnya, nandur, matepetin sakit , ngerawuhin panggilan - ring guru wisesa.

antuk

Pawos 13

Leluputan Ayahan Muang Paturunan :

1. Prajuru Adat luput ^{pesoan} , muang paturunan manut prarem.
2. Pemangku-Pemangku Tri Kahayangan luput paturunan piodalan manut prarem.
3. I Warga Desa / Krama Desa sane sakit tan tinamban , luput ayahan muang paturunan.

4.

Palet 3

Prajuru/ Dulun Desa

Pawos 14 ✓

1. Krama Desa Adat Puniki keenterang antuk :
 - a. Bendesa Adat.
 - b. Penyarikan.
 - c. Petengen.
 - d. Juru arah.
2. Prajuru sane menggah ring ajeng kapilih wiadin kawusang saking, olih paruman Krama.
3. Prajuru Desa sane menggah ring ajeng kapilih wiadin keangkat , nyabran 3 (tiga) warsa , pangelaksananannya manut prarem , sejawaning wenten pari-indik mabuat , dados kapilih malih.

Palet 4

Swadarmaning Bendesa Adat

Pawos 15 ✓

1. Ngenterang pelaksanan sedaging awig-awig.
2. Nuntun tur ngenterang Krama antuk patitis , ngupadi sukertan Krama.
3. Maka Duta Desa , matemuang bawos ring sapa sira ugi.
4. Nawosin kalih hiwakin pamutus arep ring wicara warga Desa.
5. Sejeroning ngenterang kasukertan niskala, Bendesa Adat , mingsingihang Pemangku Kahayangan Tiga. *gane*
6. Prade Pajuru iwang pengelaksana keni pamidanda manut prarem.

Pawos 16 ✓

1. Prajuru kengtosin riantukan :
 - a. Seda.
 - b. Pinunas ngeraga.
 - c. Kawusang olih krama.
2. Indik ngawusang Prajuru , kasulurang manut Prarem.
3. Ngentosin Prajuru , patut sejeroning paruman , tur kaingkupin antuk Krama - Desa.

Palet 5

Indik k u l k u l

Pawos 17

1. Kulkul ring Desa Adat Gempinis luire :
 - a. Kulkul Desa.
 - b. Kulkul banjar / kulkul tempekan.
 - c. Kulkul sekehe-sekehe.

5.

2. Tabuh tepakan kulkul Desa :
 - a. Atuludun lambat, tengeran turun ngayah.
 - b. Atuludun bulus, tengeran kepanca baya.
3. Tengeran kulkul ring soang-soang bebanjaraan :
 - a. Kalih tulud bulus tengeran ngerorod (Nganten).
 - b. Atuludun lambat ping tiga, mitawang kulkul seda.

Atuludun

Pawos 18

1. Kulkul Desa utawi banjar tan wenang ketepak , yening tan sangkaning pituduh Prajuru , sejawaning tengeran kepanca baya.
2. Sang nepak tan sangkaning pituduh , patut digelis atur supeksa, maka ^{ke}buatan panepake , yan tan asapunika , wenang sang mamurug kedenda manut prarem.
3. Kulkul tempekan utawi kulkul sekehe-sekehe tan kalugra matuhin utawi nyawu-rin kulkul Desa Adat, prade mamurug kedenda manut prarem.

Palet 6

Indik Paruman

Pawos 19

1. Peparuman wenten tigang soroh luire :
 - a. Peparuman Desa Adat , sekirangnya 6 sasih apisan.
 - b. Peparuman Prajuru / Dulun Desa manut wiguna.
 - c. Peparuman napkalo (p^ungato kalo) maka jalaran arah-arah manut ^{ke}buatan.
2. Peparuman kengin kelanturang , risampun karuhin antuk lintangan ring atengn pupulan krama.
3. Peparuman kengin kelanturang risampun kekawitin antuk penyakkak tur abusana adat Bali.
4. Tan kalugra ngawetuang suaro ^agoro utawi biitta , sapasira mamurug keni pami-denda manut prarem.
5. Sapasira ugi I Krama Desa cedok ring sinalih tunggil peparuman , kedenda - agung alitnya manut prarem.
6. Sang sane nyedokin peparuman kengin luput dendaan yening :
 - a. Kapiambeng sakti.
 - b. Matepetin sakti.
 - c. Kepademan.
 - d. Kapiambeng karya suka - duka.
 - e. Muang sane siosan , yan sampun masadok ring Prajuru.

Pawos 20

1. Sangkepan Prajuru kawenang ^{ing}wantah ngerincikang pengerencana usaha Desa Adat Kapungkur. .
2. Sangkepan Prajuru / Dulun Desa tan kawenang ngawedalang tategenan ring - Krama Desa adat sedereng kaingkupin olih Krma.

6.

Pawos 21

1. Putusan peparuman sinanggeh prarem pastika yening sampun kaingkupin antuk lintangan ring atenge sakeng sane parum.
2. Prade peparuman tan ngamedalang pamastika , kengin ngawentenang peparuman ngantos ping tiga, prade taler tan pastika , I Prajuru dados matur supeksa ring sang rumawos / sang ngawiwenang.

Palet 7

Indik Druen Desa

Pawos 22

Padruen Desa Adat Gempinis minekadi :

1. Kahayangan Desa luire :
 - a. Kahayangan tiga (Pura Puseh, Pura Dalem lan Pura Desa).
 - b. Pura Dang Kahayangan (Pura Peningal).
 - c. Tanah Plaba Pura (Tanah Tegal) 1,40 ha (dipipil).
 - d. Setra-setra (Setra gede miwah setra pamuhun).
 - e. Gong ring soang-soang Bebanjawan.

Pawos 23

Piolih-olihan Desa Adat luire :

- a. Piolih-olihan saking plaba Pura.
- b. Urunan krama Desa Adat.
- c. Kercen-keren miwah lelangan-lelangan siwosan ;

Pawos 24

1. Prajuru wenang ngetangang pamupon laba Pura lan sepenunggalnya, manut prarem.
2. Pikolih lan pamuponnya keanggen prab^{an} kabuatan Desa Adat.
3. Nyabran pesangkepan , Prajuru ngawentenang pariindik^{an}, natasang padruen Desa.
4. Sakaluiring padruen Desa patut wenten ilikitannya.
5. Tan kalugra ngadol utawi ngesahang padruen Desa , yan tan kasungkemin antuk I Krama Desa.

Palet 8

Sukerta Pamitegep

Kaping 1

Karang , Tegal lan Carik

Pawos 25

1. Saluiring karang paumahan , tegal , carik miwah teba patut pastika wenten - bates ipun.
2. Pamedalan ke margi wiadin karurung^{an} mangda tan kabehang.
3. Wates sisi kaler muang kengin patut kapiare olih sang madruwe karang, tegal carik lan teba, santukan kawastanin megaleng kaluan.
4. Telajakan ring margine kapiare olih sang maderbe karang .

7.

Pawos 26

1. Sinalih tunggil Krama Desa tan kalugra :
 - a. Ngalah-alah margi , telajakan Desa , lan karang penyanding.
 - b. Ngalah-alah tanah tegal , carik , tegak kahayangan , teba lan setra.
2. Prade wenten sekadi ring ajeng , sang ngalah-alah patut ngewaliang tanah inucap saha keni arta denda , muang dewa denda manut prarem.

Kaping 2

Indik Pepayonan

Pawos 27

1. Ngawit nanem tanem tuwuh , patut adepa agung ngajeroang , prade ngaliwat bates kasepat gantungin.
2. Yening wenten tetaneman ngungkulin , semalihe mewasta mayanin kapisage , patut keware antuk paigum Ping ajeng , parasida sang nrueang ngarebah wiadin notor.
3. Prade tanem tuwuh punika rubuh tur mayanin anak siosan patut sang maderbe taru punika negen prabyam sang keni baya muang pengaskara karang inucap.
4. Tetaneman sane rubuh punika ketawan olih sang keni baya.
5. Yening wenten anak nunas^{gumanti} panebasan taru , gumanti sedereng panumaya tarune mayanin , sang maderbe luput saking tetagenan baya.
6. Yening panumaya sampun telas turdurung ketelasin sang sane kaungkulin dados nelasin , tur taru punika kabukti olih sang sane notor sesampun masadok ring Prajuru.
7. Yening panumaya sampun telas , taler durung katelasin yening pungkut mawiwit angin utawi sang maderbe taru negen prabya kadi ring ajeng.
8. Sang sapa^{si} sira ugi ngerereh punapa - punapi ring anak siosan (Karang paumahan , tegal , lan carik / paabian) nenten wenten pasadokipun kedenda manut Prarem. *ring yang merubet*
9. Sang sane piwal ring pidabdab desa Adat , keni denda manut prarem, agung alitnya sane keambil tur kaumunang ring peparuman. *ini ada yang diotak dan tidak menguraangi arti (mempelas)!*

Kaping 3

Indik Wewangunan

Pawos 28

1. Wewangunan tan kuasa ngungkulin ngaliwat bates.
2. Wewangunan tan kuasa ring watese sane wenten dumunan.
3. Tan kuasa ngembahang toyo ke wates anak siosan (toyon wewalunagan, toyon WC., pasir man miwah sane siosan). *liron - liron*
4. Tan kuasa ngentungang lulu ke karang ; anak siosan / ketelajakan toyo.
5. Sang sapa sira manurug , kedenda manut prarem.

Kaping 4

Indik Wewalungan

Pawos 29

1. Sehananing warga desa sane manlara wewalungan, mangda/ patut sayaga nitenin tur negul, ngandangin wiadi ngelogorin ring wewalungan suku empat.
2. Yenig wenten wewalungan ngeleb, malubar, kantos ngerusak peabianan anak siwosan, bilih bilih ngeranjing ring karang suci, sang keberatan patut masadok ring prajuru.
3. Wewalungan punika ketawan, tur penebasannya manut ring sudosane sane keti tenin olih prajuru.
4. Wewalungan sane ketawan yening padem, saking tan kekardinin, sang sane ma derbe tan kengin ngarsayang panyingkuh, sang sane nawan tan keni prabya.
5. Wewalungan sane ketawan, yening tigang rahina tan wenten mariangken patut ke aturang ring prajuru desa tur katitenin manut prarem.

Kaping 5

Penyanggran Banjar

Pawos 30

1. Sehanan krama desa patut nyanggra pituduh utawi geguat geguat saking Guru wisesa, sane wenten kebuatannya minakadi rikala : Galungan, Kuningan Nyepi muang sane siwosan.
2. Sehanan pekaryan pasuka duka ring Desa Adat Gempinis, patut kesangra antuk Krama Desa Adat, saba kelaksanayang antuk soang soang tempekan/bebanjaran.
3. Sehanan pepeson penyangra karya inucap kasulurang manut prarem.
4. Sapasira ugi krama desa tan makta peson peson sane kakeniang, kedanda manut prarem.

Kaping 6

Dusta Miwah Baya

Pawos 31

1. Desa Adat Gempinis nyulurang krama kalaning kehanan baya ring sejobag kakuwuh desa adat.
2. Yan desane kehanan baya, mangda kawentenang yadnya pangupahayan desa manut sastra agama, nganutang ring unjuk lingsur baya, kapikukuh antuk paruman desa.

Pawos 32

1. Sang kehanan baya mangda mesadok ring prajuru.
2. Sang manggihin sehanan baya, mangda digelis nepak kulkul, penepake manut kehanan baya.

Pawos 33

1. Sang kacailman ngawinang sehanan baya ring desa katur ring sang ngawinang.

9.

SARGA IV

SUKERTA TATA AGAMA

Palet 1

Indik Dewa Yadnya

Pawos 34

1. Sane kemanggehang Kahyangan Tiga Desa Adat Gempinis inggih punika:
Pura Puseh, Pura Desa, Pura Dalem lan Pura Peningal.
2. Kahyangan sane menggah ring ajeng, prabyan pengaci-aci, kamedalin olih warga Desa Adat.
3. Aci ring Kahyangan inucap manut kecap sastra agama, saha kelaksanayang nista, madya, utama, manut prarem.
4. Sehanan upacara punika ke enterang olih Bendesa Adat.

Pawos 35

1. Prajuru tan maren nuntun krama Desa mangda sehanan Widhi Widana anut ring kawentenannya, upami : Galungan, Kuningan, Saraswati, Siwaratri lan Nyepi.

Pawos 36

Bacaan^K cendala sane tan dados ngeranjing ke Pura/ Kahyangan :

- a. Jadma luh ngeraja sewala (tigang rahina) sedereng mekramas.
- b. Sebel maderbe putera selami 42 rahina.
- c. Sehanan jadma patite : sakit ila, buduh sadurung malukat manut sastra agama.
- d. Sato agung ngawit bawi ngamenggahang, sejawaning (piodalan, mapepada).
- e. Sehanan leteh manut sastra agama : bok, getih, tulang, saluiring wiwitan watang, lan layudan pitra yadnya.
- f. Sebel pengantenan selami dereng mabyakala.
- g. Sebel riantuk maderbe kulawarga kepadaman selami 11 rahina (ke Desa Adat- 3 rahina).
- h. Mabusana tan nganutin tata cara ngeranjing ke Pura.
- i. Sedereng p^olih pituduh prajuru.

Pawos 37

1. Sajeroning tan dados :
 - a. Tan kengin ngeranjing ke Kahyangan yan tan mepangangge Adat, sejawaning polih panugran Prajuru.
 - b. Tan kengin mewaréh, mabacin, makolem dados asiki lanang istrá, ngamba - hang rambut sejawaning kelinggihan, walpurusya, mayuda, munggah tedun - ring Pelinggih, Penyengker, sejawaning polih panugran Prajuru.
2. Sang sane mamurug ^{2 pawos} ring pawos 36, 37, ring ajeng kasisipang antuk dewa danda muang artha denda manut prarem.

Pawos 38

1. Sehanan Yadnya / Piodalan ring Desa Adat Gempinis, ketitenin olih Prajuru.
2. Piodalan mengda puput atengah poteng, reh punika kabawos uger-uger, seja - waning wenten para indik sane mabuat tur kasulurang manut Prarem.
3. Piolihi-olihi ring tepengan Piodalan, lan pinauran keetengan olih Prajuru - tur nyabran pesangkepan kauningang arep ring krama Desa.
4. Sapasira mamurug, ke denda manut prarem.

Palet 2

Indik Resi Yadnya

Pawos 39

1. Ring soang-soang Pura Kahyangan Desa Adat Gempinis, kawentenang Pemangku.
2. Prabyan adiksa widhi ring Pemangku, kemedalin olih krama desa adat.
3. Para Pemangku tan keneng cuntaka.
4. Ring sedane kawekas, krama desa adat Gempinis, mareh dana Pitra Yadnya - utawi atiwá - tiwa, akéh ipun manut prarem.

Pawos 40

1. Ngadegang Pemangku nganut dudonan minekadi :
 - a. Nyanjan.
 - b. Saking turunan.
 - c. Turun bunga / pilihan banjar.
 - d. Pidabdab ngadegang Pemangku inucap kasulurang manut prarem.
2. Bacáan Cendala sane tan dados keanggen Pemangku :
 - a. Cendala luiire : Peceng, Perot, cungh lan sepenunggalnya.
 - b. sakit ila, buduh, ayan lan sepenunggalnya.
 - c. Sane maderbe ~~kanucian~~ urip tan becik.
 - d. Sang sapisira ugi sane tan kadadosang manut prarem.
3. Pemangku kawusang sangkaning :
 - a. Pinunas ngeraga.
 - b. Seda / padem.
 - c. Kawusang olih krama desa.
 - d. Tan nganutin Swadarma ipun (Swadarma Pemangku).

4. Sang sapa sira ngangge (Ngerereh) Pemangku tat kala wnten Piodalan utawi Yadnya lianan ring Kahyangan Desa Adat , mangda polih panugran Prajuru.
5. Prade Pemangku kapiambeng, kengin nganggen Pemangku Kahyangan Tiga (Pemangku Desa Adat) siosan , mangda ketetinin olih Prajuru.

Pawos 41

1. Swadarman Pemangku luire :
 - a. Muntun krama Desa, ngemanggehang kesucian Kahyangan.
 - b. Munggah tedun ring Kahyangan desa adat.
 - c. Midabdabin / ngilenang yadnya ring kahyangan periywian manut genah soang-soang .
 - d. Rajeng nganutin sesanan Pemangku.
 - e. Tan wenang salab-sulub ringgenah sinanggeh letuh, yan mamurug Pemangku - punika nyepuhin raga.
 - f. Prade mamurug ring pawos 40 punika Pemangku wenang keni dewa denda lan - artha denda manut prarem.

Pawos 42

Petias utawi piilih-olihan Pemangku :

1. Penyelasan.
2. Pah tiga ring kercen - kercen utawi sarin canang penauren sane kapolihang .

Pawos 43

1. Yening wenten jadma karawuhan durung tedun ring Pura, tan sangkaning nyanjan tur ngawe biuta Desa, keni arta denda lan dewa denda manut prarem.
2. Prade Kahyangan keni durmanggala minekadi ke panca baya Pemangku digelis nyadokang ring Prajuru, mangda marumang krama Desa, ngawentenang pemerascita sepatutnya.

Palet 3

Indik Pitra Yadnya

Pawos 44

1. Genah ngeseng sawa / mendem pawongan sane meagama Hindu kewastanin sema / setra.
2. Sang sane jagi ngangge sema / Setra patut masadok ring Prajuru, saha tatane manut deresta miwah pituduh Prajuru.

Pawos 45

1. PidaBdab indik mendem / ngeseng sawa kasulurang kadi ring sor :
 - a. Yening mendem sawa tan kadadosang nginepang bambang.
 - b. Mendem / malebu tan dados ngapuanang ring setra sinunggal.
 - c. Sawan wong rare sane durung telu bulan, patut kependem pranangkin tan ngetang / ngantosang dewasa.

- d. Sejeroning setra sinunggal yen wenten mendem lintangan ring adiri, patut kemargiang ngawit saking sane nampekang ring setra inucap.
- e. Yening setra sinunggal kadi ring ajeng wenten mapendem / malebu patut - ilen pemendema margiang riinan wawu reris malebu.
- f. Jadma nandang sakit ila , ulah pati, sawano dados kependen ring setra, kerihinin upakara penebusan.
- g. Yening wenten sawa sampun mapendem , yening jagi keabenen galihnya tan dados buat mewali ke Desa.
- h. Ngelangkar watang mangda maduluran antuk upakara.

Pawos 46

1. Prade wenten sawa jagi kependen ring setra , boyo krama desa adat Gempinis patut naur panukun setra , akeh ipun manut prarem.

Pawos 47

1. Krama Desa sane jagi pacang meyadnya atiwa-tiwa patut mesadok ring Prajuru.
2. Pedewasaan Pengabenen utawi pamuputnya, kengin kapuputan antuk siwan I Krama banjar soang-soang nanging sesampun kacumpuin antuk Prajuru adat Ping-ajeng.
3. Yening wenten saking boyo krama Adat Gempinis, ngewentenan yadya pengabenen ring desa adat Gempinis patut :
 - a. Sane ngajak keni penanjung batu akeh ipun manut prarem.
 - b. Sang sane maduwe sawa kekenian penanjung, manut prarem.

Pawos 48

1. Mendem wiadin ngeseng sawa tan kalugra yening nemarin :
 - a. Pemelaspas Kabhyangan Desa Adat.
 - b. Purnama , Tilon , Semut sedulur, kala gotongan, was penganteh.
 - c. Prade wenten kelayu sekar, ring kala piodalan, kengin mendem tan pasadok tur memargi wengi.
 - d. Prade tan wenten dewasa, dados makingsanten maduluran upakara pengastara taler tan masadok ring Prajuru tur memargi wengi.
2. Ngastara sawa rare :
Duning tutug tigang basih (3 bulan) antuk upakara ngolungah.
3. Karya atiwa - tiwa kasukserah ring krama adat.

Pawos 49

1. Pengambilan sesebelan ring desa adat, yen wenten sawa kependen, ngawit saking mendem ngantos tigang rahina, saking dewasa menden saha upakara pengelengian.
2. Yening pengabenen, krama Desa ngambil sesebelan ngawit saking ngulapin / ngangkid ngantos tigang rahina saking palebon saha pengelengian . Tan ngambil sesebelan yan sampun ngelanus / ngerocrasin.
3. Yening sesebelan ngarep, solas (11 rahina).
4. Indik menden / ngeseng sawa pawos 48 / pawos 49 kasulurang manut prarem.

Palet 4

Indik Manusia Yadnya

Pawos 50

1. Desa Adat Gempinis nitenin sinalih tunggil krama ngelaksanayang manusia yadnya kabuatannya .
2. Pidabdab penyanggrame, kasulurang manut prarem.
3. Sang pacang ngelaksanayang manusa yadnya sane mabuat, mangda masadok ring Prajuru.
4. Sang tungkas ring pidabdab Desa, keni denda manut prarem.

Palet 5

Indik Bhuta Yadnya

Pawos 51

1. Desa Adat Gempinis ngelaksanayang bhuta Yadnya sakeluire kabupaten Desa - (sesepon saha beberatannya).
2. Indik pengelaksananya nganutin kabupaten Desa mapegambel ring sastra Agama nganutang ring dresta tur kapikukuh oleh krama manut prarem.
3. Desa Adat Gempinis nitenin sinalih tunggil krama ngelaksanayang bhuta yadnya kabuatannya.
4. Pidabdab penyanggrannya manut wujud lungsur yadnya tur kasulurang manut prarem.
5. Sang pacang ngelaksanayang bhuta yadnyane mabuat mangda masadok ring Prajuru.
6. Sang tungkas ring pidabdab Desa keni denda manut prarem.

SARGA V

SUGERTA TATA PAWONGAN

Palet 1

Indik Pawiwahan

Pawos 52

1. Desa Adat Gempinis nitenin sinalih tunggil krama ngelaksanayang Pawiwahan.
2. Indik Pawiwahan Desa Adat Gempinis mapegambel ring Undang-Undang nomor : 1 tahun 1974.
3. Tata cara pengelaksanaan Pawiwahan nganutin sastra Agama Hindu miwah dresta Desa tur kapikukuh oleh krama manut prarem.
4. Sang pacang ngelaksanayang pawiwahan, mangda masadok ring Prajuru.
5. Sang tungkas pidabdab Desa keni denda manut prarem.

Palet 2

Indik Sentana

Pawos 53

1. Desa Adat Gempinis nitenin sinalih tunggil krama ngadegang Sentana .
2. Indik Sentana, Desa adat Gempinis mapegamel ring uger-uger jagat tur keanutang ring dresta Desa saha kapikukuh oleh krama manut prarem.

3. Sang pacang ngindikang / ngangkat Sentana mangda masadok ring Prajuru.
4. Sang tungkas ring pidabdab desa keni danda manut prarem.

Palet 3

Indik Pewarisan

Pawos 54

1. Desa Adat Gempinis nitenin sinalih tunggil krama ngindikang pewarisan.
2. Indik pewarisan, Desa Adat Gempinis mapegamel uger-uger jagat tur keanutang ring dresta Desa saha kapikukuh olih krama manut prarem.
3. Sang pacang ngindikang pewarisan mangda masadok ring Prajuru.
4. Sang tungkas ring pidabdab desa keni danda manut prarem.

Palet 4

Indik Wicara

Pawos 55

1. Sang wenang mawosin sehanan wicara inggih punika Prajuru, Kepala Dusun.
2. Prade sang mawicara tan wenten cumpu ring kertan Desa, kengin nunasang - wicara inucap ring sang rumawos.
3. Sehanan wicara mawiwit kecorahan sakeluire sinanggeh nungktasin daging - Awig - Awig, pasuare miwah prarem, kabawosin pramangke tan ngantosang - pasadok .
4. Sejaba wicara ring ajeng, patut ngantosang pasadok sang nunas bebawosan.
5. Penepase mangda nyantenang iwang patut, molarapan tripamana : bukti, - saksi, ilikita.

Palet 5

Troptining Pawongan

Pawos 56

1. Ngenbasang rare patut masadok ring Prajuru Desa.
2. Yening wenten maderbe kepadaman- patut digelis masadokring Prajuru Desa.

Pawos 57

Kelabu Baangan :

1. Yening wenten krama Desa keni panca baya, patut masadok ring Prajuru tur-nyuerayang kulkul .
2. Suaran kulkul nyihmayang panca baya, patut kotedumin olih krama desa.

SARGA VI

P A M I D A N D A

Palet 1

Indik Pamidanda

Pawos 58

1. Desa Adat Gempinis wenang niwakin pamidanda ring sang sinanggeh sisip.
2. Peniwak inucap kelaksanayang olih Prajuru desa.

3. Bacaan Pamidanda luire :
 - a. Ayahan pamukun kesisipan .
 - b. Danda arta .
 - c. Pengaskara .
 - d. Rerampagan.
 - e. Kenorayang.
4. Niwakang pamidanda mangda sor singgilnya manut kasisipan.
5. Jinah saking pamidanda ngeranjing druen desa .
6. I Krama Desa sane ten nawur paturuman kantos liwat bates kekeniang danda manut prarem.
7. Prade keliwat bates taler ten kataur, krama inucap dados kerampag.
8. Pemargin rerampagan keanutang manut prarem.

Pawos 59

Indik Tamiu

1. Krama Desa sane nampi tamiu saking tios desa, marerepan, patut nasadok - ring Prajuru desa/ Prajuru tempekan.
2. Yening tamiu madunungan lintangan ring asasih, tur ngerereh pangupa jiwa ring desa adat puniki, patut kekeniang batu - batu manut prarem.
3. Yening tamiu punika nganutin sukertan desa, polih pesayuban desa manut - prarem.
4. Yening wenten tamiu sane mapekubonan lintangan ring asasih sejeroning - desa adat, nanging madue karang ring dure desa tamiu punika patut tedun makrama tur ipun polih pesayuban saking desa adat.
5. Yening wenten tamiu sane mapekubonan lintangan ring asasih sejeroning - Desa Adat, tur madue karang, tegal, lan sepenunggalnya, patut tedun na - krama .
6. Yening tan tinut ring sukertan Desa, tan polih pesayuban Desa Adat, tur - sang sane ngajak tamiu punika keni danda manut prarem.

SARGA VII

NGUWAH NGUWUHIH AWIG - AWIG

Palet 1.

Pawos 60

1. Prarem patut kemedalang, anggen nyangkepin awig - awig nungsa-munggal - manut dudonan lan kabuatannya.
2. Nguwah-nguwuhin awig - awig puniki kelaksanayang antuk paruman desa adat.
3. Awig - awig puniki kenangiang ngawit keingkupin.

F ngamedalang watesha,

Pawos 61

1. sakeluring sane wenten soderongnya patut koanutang ring sedaging awig - awig puniki .
2. sejeroning sane durung kebawosang ring awig - awig puniki patut kemargiang manut tata cara sane sampun ketah memargi kedulurin antuk prarem - prarem.

SARGA VIII

P A M U P U T

Palet 1

Pawos 62

1. Awig - Awig puniki keraremin duk rahina : Anggara kasih (Selasa Kliwon) Julungwangi, Içakawarsa 1914, tanggal : 26 Januari 1993, tur kapikukuh-olih Bupati Kopala Daerah Tingkat II Tabanan.
2. Awig - awig puniki kalingga tanganin olih Bendesa Adat Gempinis.

Iuir sang ngalingga tanganin :

1) Adat Gempinis,
BEDESA ADAT GEMPINIS
D.S. EN SALAK, SELEMADEG
SUDIBIA)

PEMERINTAH KABUPATEN DAIRI
KEPALA BUNJUNG SALAK
Kecamatan Selemadeg

PATISADA HINDU DHARMA INDONESIA
Kecamatan Selemadeg
WAYAN SEGATRI)

PEMERINTAH KABUPATEN DAIRI
CAMAT SELEMADEG
TABANAN
I WAYAN SUPARTA RA)

PEMERINTAH KABUPATEN TABANAN
SUANDRA)

6) PADI Kabupaten Tabanan,
DESA I MADE SAMBA)

DEPARTEMEN KANTOR Dep. Agama Kab. Tabanan
DEPARTEMEN AGAMA
IDA BAGUS OKA)

8) Bupati Kepala Daerah Tingkat II Tabanan,
KETUT SUNDRIA)